

Premio Oro Aruba dia 15 di December na Tele Aruba

ORANJESTAD(AAN)- E meta di fundacion Premio Oro Aruba ta pa motiva e pueblo pa traha den e circulo di un union pa e ciudadanonan motiva otro pa trece e cultura ariba un nivel mas halto, sea den tempo malo of den tempo bon. Dlos ta duna cada persona un abilidad semper cu por worde uza na e beneficio di otro.

Den vista di esaki ayera tardi tur esnan cu a traha duro y a haci tur e esfuerzo pa duna Aruba un empuhe den un forma of otro nan number lo worde treci dilanti pa asina e comision di Premio Oro Aruba analisa nan trabao y door di nan votacion lo dicidi di e personanan aki por bin na remarca pa haya e Premio Oro Aruba.

Aunke e pais Aruba ta chikito y tin un lucha grandi toch ta di admira e cantidad di number cu a ser treci dilanti como nomidado. Es decir ta hopi ta

esnan cu ta lucha pa lanta e nivel di e cultura di e pais y trece ariba un nivel halto.

Ta di admira con e ciudadano di Aruba moralmente ta empuha otro pa traha na bienestar di otro y e pais engeneral. Esakinan ta parti di e hechonan cu por a worde deduci den e recomendacionnan cu a worde treci dilanti pa eligi nomidadonan pa e categorianan manera: 1. inovacion comercial y economico. 2. liderazgo, y of logro academico y educacional. 3. contribucion na un mihor ambiente social. 4. servicio voluntario y humanitario...etc

E comisionnan cu a haci e trabao grandi aki ta, pa menciona: Womens Club of Aruba, Aruba Jaycees, Aruba Kiwanis, Aruba Rotary Club, Directie Onderwijs, Directie Toerisme, Biblioteca Nacional, IDEFRE, Instituto di Cultura etc.

